

Ўлим ва ҳаёт ортидаги синовлар



17:00 / 25.01.2022 5318

Аллоҳ мүмин бандаларига доимо меҳрибондир. Шунинг учун ҳам улардан беодоблик, исён содир бўлса ҳам:

ْفَهُنَّ مُكْنِمٌ ۖ فَهُنَّ أَسْعَنُ ۖ وَنَمَأْمَعُ لِدَعَبٍ نَّمْ مُكْبِي لَعَلَزَنْ أَمْثُ
لَهَ نَوْلُ وُقَيٍ ۖ يَلْهَاجْلَا ۖ نَطَّقْحَلَا رَيْغَهَلَلَابَ نَوْنُ طَيٍ ۖ مُهْسُفَنَأَمْهَتَمَهَأَدَقَ
الَّا مَمْهَسْفَنَأَيَفَ نَوْفَحْيَهَلَلُكَرْمَأَلَا نَإِلُقَغَيَشَنَمَرْمَأَلَا نَمَانَلَ
وَلَ لُقَانُهَاهَأَنْلَتُقَأَمَغَيَشَرْمَأَلَا نَمَانَلَنَأَكَوَلَنَوْلُ وُقَيٍ ۖ كَلَنَوْذَبُي
مَوْعِجَأَضَمَ ۖ كَلِإِلْتَقْلَا مَهْيَلَعَ بِتُكَنِيَذْلَا زَرَبَلَ مُكْتَوْيُبَ ۖ يَفْمُتَنُكَ
مَيَلَعَهَلَلَاوَمُكْبُوْلُقَ ۖ يَفَأَمَصَّحَمُيَلَوَمُكْرُوْدُصَ ۖ يَفَأَمَهَلَلَايَلَتْبَيَلَوَ
رُوْدُصَلَلَاتَأَذَبَ

Сүнгра ғамдан кейин сиздан бир тоифани қамраб олган мудроқни омонлик қилиб туширди. Башқа тоифа эса ўзи билан овора бўлиб, Аллоҳ ҳақида ҳақдан ўзга, жоҳилият гумонини қилиб: «Бизнинг қўлимизда нима иш бор эди?» – дейишарди. Сен: «Ишнинг барчаси Аллоҳдандир», – деб айт! Сенга ошкор қилмаган нарсаларини иchlарида махфий тутарлар. Улар: «Агар қўлимизда бир иш бўлганида, бу ерда қатл қилинмас эдик», – дерлар. Сен: «Агар уйларингизда бўлсангиз ҳам, қатл қилиниши битилганлар ўз ўлим жойларига чиқар эдилар. (Бу) Аллоҳ қўкслярингиздаги нарсани синаши ва қалбингиздагини яхшилаб поклаши учундир. Аллоҳ қўкслардаги нарсаларни ҳам билувчиdir», – деб айт. (*Оли Имрон сураси, 154-оят*).

Бу ояти каримада мўминларга етган мағлубият, ғам устига ғамдан кейин Аллоҳнинг лутфи билан ҳукм сурган омонлик ҳолати баён қилинмоқда:

«Сўнгра ғамдан кейин сиздан бир тоифани қамраб олган мудроқни омонлик қилиб туширди».

Уҳудда жанг қизиб, мусулмонлар енгила бошлаган бир пайтда Аллоҳ таоло Ўз раҳмати ила событқадам, чин мусулмон бандаларига бир мудроқни омонлик қилиб берди. Мудроқ мусулмонлар орасидаги фидокор тоифани қамраб олди.

Имом Бухорий раҳматуллоҳи алайҳи Анас розияллоҳу анҳудан қилган ривоятда Толҳа ибн Убайдуллоҳ розияллоҳу анҳу: «Уҳуд куни сафда турганимизда бизни мудроқ қамраб олди. Қиличим қўлимдан тушиб кета бошлади, қайтариб олдим. Яна тушса, яна қайтариб олар эдим», - дейдилар.

«Бошимни кўтариб, қарасам, - дейдилар бошқа бир ривоятда, - ҳамманинг боши кўксига эгилиб турибди».

Ҳақиқатдан, мудроқ худди мўъжизадек нарса. Чарчаб, ҳеч қандай ҳаракатга ярамай қолган одам ҳам бир оз мудраб олса, ҳеч нарса кўрмагандек бўлиб кетаверади. Мусулмонлар Уҳуд урушида енгилиб, қоча бошлаганларида, Аллоҳ таоло уларга мудроқни омонлик қилиб юбориб, катта фалокатдан - бутунлай тор-мор бўлишдан сақлаб қолди. Бир оз мудраб, сўнг ўзиға келган мусулмонлар Набий алайҳиссаломнинг атрофларида тўпланишди ва тоғнинг баландроқ, қулайроқ жойига чиқиб, жойлашишди. Буни кўрган мушриклар охиригача ҳужум қилишга юраклари дов бермай, ортга қайтдилар. Мўминлардан бир тоифаси бу иш билан овора бўлиб турган бир пайтда:

«Бошқа тоифа эса ўзи билан овора бўлиб, Аллоҳ ҳақида ҳақдан ўзга, жоҳилият гумонини қилиб: «Бизнинг қўлимизда нима иш бор эди?» - дейишарди».

Бу тоифа - иймони заиф тоифа, қалбида фидокорлик туйғуси ўрнашмаган тоифа. Шу боисдан, Аллоҳ учун овора бўлмайди, дину диёнат учун овора бўлмайди, пайғамбар учун овора бўлмайди, мусулмонлар учун овора бўлмайди. Фақат ўzlари учун овора бўлади. Фақат ўzlарини ўйлайди.

Улар Аллоҳ таоло ҳақида ҳам ноҳақ гумонга борадилар. Жоҳилият аҳлининг гумонини қиладилар. «Худонинг иши ҳам қизиқ, шундай қилиб

ўлиб кетаверамизми?» - дейишади. Шу билан бирга, Улар:

«Бизнинг қўлимизда нима иш бор эди?» - дейишади.

Яъни «Бизнинг ихтиёrmiz ўз қўлимизда эмас», «Жангнинг маслаҳатини биз қилмаганимиз» каби ва яна бошқа шунга ўхшаш гапларни айтадилар. Оят дарров бу гапнинг нотўғри эканини баён қилиб, Набий алайҳиссаломга:

«Сен: «Ишнинг барчаси Аллоҳдандир», - деб айт!» - дейди.

Яъни ишлар ҳеч кимнинг қўлида эмас, балки фақат Аллоҳнинг қўлидадир. Ҳатто Набий алайҳиссаломнинг ҳам қўлларида эмас. Чунки юқорида ўтган 128-оятда у зотга хитобан: «Бу ишда сенинг бирор нарсага дахлинг йўқ», дейилган эди. Бандаларнинг иши ўз вазифаларини бажариш, бурчларини адо этиш. У ёғи Аллоҳнинг қўлида, нимани хоҳласа, шуни қиласди.

«Сенга ошкор қилмаган нарсаларини ичларида маҳфий тутарлар».

Уларнинг иchlари фиску фасодга, васваса ва ҳадиксирашларга тўла. Буни ошкора айтаётганлари билан ҳолатлари ўзгариб қолмайди. Одатда улар бундай вазиятларда «Бу ерга (ёки ишга) бизни мажбур қилиб олиб келишди», «Раҳбарлар адашишди, у қилишди, бу қилишди», «Агар бизга қўйиб берилганида, ундан қиласди, бундай қиласди», дейишади.

«Улар: «Агар қўлимизда бир иш бўлганида, бу ерда қатл қилинmas эдик», - дерлар».

Бошларига зарба етганда иймони заифлар, мунофиқлар доимо шундай қиласди. Бошлиқларга осилиб, ҳамма айбни уларга тўнкаб, одамларни улардан айнитишига ўтадилар. Баъзи қатл бўлганлар ҳақида ҳам «Агар бизнинг ихтиёrimiz билан иш бўлганида, бундай бўлmas эди», - дейдилар.

Қуръони Карим уларнинг бу нотўғри вассасаларини ҳам тўғрилаб, ўлим ва ҳаёт ортидаги, синовлар замиридаги ҳикматларни баён қиласди.

«Агар уйларингизда бўлсангиз ҳам, қатл қилиниши битилганлар ўз ўлим жойларига чиқар эдилар».

Тақдирдан тадбир билан қочиб бўладими? Ўлим овора бўлиб, излаб юрмайди. Ажали етган ўз қадами билан юриб, ўлимни топиб келади. Бу Аллоҳнинг тақдир қилган ишидир. Бунинг ортидан ҳикмати ҳам бор.

«(Бу) Аллоҳ кўқсларингиздаги нарсани синаши ва қалбингиздагини яхшилаб поклаши учундир».

Бало-оғатлар одатда қалбдаги бор нарсанинг намоён бўлишига сабаб бўлади. Бу бир синовдир. Асл маъдан ўтга солиб, тобланганидек, асл мўминлар ҳам қийинчиликлар, мاشаққатлар ёрдамида тобланадилар. Натижада баъзан ўзи ҳам билмаган камчиликлари юзага чиқиб, мўмин уларни бартараф этишга интилади, покланади. Шунинг учун ҳақиқий мўминлар Аллоҳдан келган имтиҳон ва синовларни, улар қанчалик қийин бўлмасин, хурсандчилик билан кутиб оладилар.

«Аллоҳ кўқслардаги нарсаларни ҳам билувчидир».

Аллоҳ одамлардан сир сақлаб, махфий тутиб юрган нарсаларингизни ҳам яхши билади.

«Тафсири Ҳилол» китоби асосида тайёрланди